



Broj: 14-14-3-12523-9/19
Zenica: 07.10.2019.godine

Na osnovu člana 70. i člana 64. Zakona o javnim nabavkama («Službeni glasnik BiH», broj: 39/14) i Zapisnika o pregledu i ocjeni ponuda, broj: 14-14-3-12523-8/19 od 04.10.2019.godine, u postupku javne nabavke „Nabavka prehrambenih i neprehrambenih artikala za potrebe kafe kuhinja Zeničko-dobojskog kantona“, direktor Službe za zajedničke poslove Zeničko-dobojskog kantona, donosi:

ODLUKU **o izboru najpovoljnijeg ponuđača**

1. Prihvata se preporuka Komisije za javnu nabavku iz Zapisnika broj: 14-14-3-12523-8/19 od 04.10.2019.godine i okvirni sporazum za „Nabavka prehrambenih i neprehrambenih artikala za potrebe kafe kuhinja Zeničko-dobojskog kantona“ na period od dvije godine, dodjeljuje se ponuđaču: INTER-COM d.o.o. Zenica, kao najbolje ocijenjenom ponuđaču, sa cijenom od 41.353,15 KM bez PDV-a.
2. Ponuđač kojem se dodjeljuje okvirni sporazum dužan je dostaviti dokumente iz člana 45. i 46. navedene u tački 3.1 i 3.2. Tenderske dokumentacije, u roku od 5 (pet) dana od prijema Odluke o izboru najpovoljnijeg ponuđača.
3. Nakon pravosnažnosti ove Odluke, izabranom ponuđaču iz tačke 1. ove Odluke dostavit će se prijedlog Okvirnog sporazuma o nabavci.
4. Ova odluka objavit će se na web-stranici <http://www.zdk.ba/> istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama. Ova odluka dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.
5. Za realizaciju ove Odluke zadužuje se Služba za zajedničke poslove.

O b r a z l o ž e n j e

Postupak javne nabavke „Nabavka prehrambenih i neprehrambenih artikala za potrebe kafe kuhinja Zeničko-dobojskog kantona“ pokrenut je donošenjem Odluke o pokretanju postupka broj: 14-14-3-12523/19 od 16.08.2019. godine.

Ugovorni organ je donio Rješenje o imenovanju Komisije za provođenje predmetnog postupka javne nabavke, broj: 14-14-3-12523-1/19 od 16.08.2019. godine.

Javna nabavka je provedena putem otvorenog postupka, a procijenjena vrijednost nabavke je do 70.000,00 KM bez PDV-a.

Kriterij za dodjelu ugovora je najniža cijena tehnički zadovoljavajuće ponude, sa svim popustima i bez PDV-a.

Dana 30.08.2019. godine tenderska dokumentacija je objavljena na portalu Agencije za javne nabavke istovremeno sa objavom Obavještenja o nabavci, pod brojem: 771-1-1-16-3-16/19.

Do 10.09.2019. godine, sa “Portala javnih nabavki BiH” www.ejn.gov.ba, tendersku dokumentaciju je preuzelo 15 ponuđača, (Izveštaj o preuzimanju tenderske dokumentacije od strane ponuđača preuzet sa Portala javnih nabavki BiH).



Ponude su blagovremeno dostavili sljedeći ponuđači:

- TPDC SARAJEVO DD,
- BOSNA-KOM d.o.o. Gračanica
- DEFTER d.o.o. Sarajevo,
- INTER-COM d.o.o. Zenica i
- TD NOVA TRGOVINA-S d.o.o. Kakanj.

Komisija za provođenje postupka javne nabavke izvršila je detaljnu analizu blagovremeno pristiglih ponuda, te utvrdila sljedeće:

- Odbacuje se ponuda TPDC SARAJEVO DD iz sljedećih razloga:
 - Ponuđač nije dostavio original i kopiju ponude, odnosno dostavio je samo original ponude, što nije u skladu sa tačkom 4.2. tenderske dokumentacije,
 - Ponuđač nije popunio Obrazac za cijenu ponude za sve stavke sadržane u Obrascu, i to u redu "Ukupno prehrambeni artikli bez PDV-a", što nije u skladu sa tačkama 4.1. i 4.4. tenderske dokumentacije
 - Ponuđač nije u preambuli Nacrta okvirnog sporazuma unio podatke iz svoje ponude, što nije u skladu sa tačkom 5.4. tenderske dokumentacije
 - Ponuđač nije izvršio ispravke u skladu sa članom 18. stav 1. tačka (m) Uputstva za pripremu modela tenderske dokumentacije, konkretno u Aneksu III – Obrazac za cijenu ponude:
 1. U dijelu u kojem se upisuje broj ponude, na način da je broj ponude ispravljen korektorom, a preko upisan novi broj, te ispravljeni podaci nisu vidljivi, niti je ispravka ovjerena pečatom i potpisom, a nije upisan ni datum izvršene ispravke,
 2. U redovima 3 i 4 na način da su korektorom ispravljeni nazivi artikla, a preko upisani novi nazivi, te ispravljeni podaci nisu vidljivi, niti su ovjerene obe ispravke sa potpisom i pečatom, a nisu upisani ni datumi za obe ispravke,
 3. U redovima 35, 36, 37 i 38 na način da su precrtane ukupne cijene bez PDV-a (KM), a pored upisane nove cijene, a nisu ovjerene sve ispravke sa potpisom i pečatom, niti su upisani datumi za sve ispravke i
 4. U redovima "Popust (%)" i "Ukupno robe sa popustom i bez PDV-a" na način da su precrtane navedene cijene, a pored upisane nove cijene, međutim nisu ovjerene obe ispravke sa potpisom i pečatom, niti su upisani datumi za obe ispravke
- Odbacuje se ponuda BOSNA-KOM d.o.o. Gračanica iz razloga što ponuđač nije popunio Obrazac za cijenu ponude za sve stavke sadržane u Obrascu, i to u redu 51. "PVC kašičice za kafu 1000/1" nije naveo naziv ponuđenog artikla, što nije u skladu sa tačkama 4.1. i 4.4. tenderske dokumentacije.
- Odbacuje se ponuda DEFTER d.o.o. Sarajevo iz sljedećih razloga:
 - Ponuđač nije dostavio original i kopiju ponude, odnosno dostavio je samo original ponude, što nije u skladu sa tačkom 4.2. tenderske dokumentacije,
 - Ponuđač nije u preambuli Nacrta okvirnog sporazuma unio podatke iz svoje ponude, što nije u skladu sa tačkom 5.4. tenderske dokumentacije.
- Odbacuje se ponuda TD NOVA TRGOVINA-S d.o.o. Kakanj iz razloga što ponuđač nije dostavio ponudu u zatvorenoj koverti, a što nije u skladu sa tačkom 4.2. tenderske dokumentacije.

Imajući u vidu naprijed navedeno ponuda ponuđača TPDC SARAJEVO DD odbacuje se u skladu sa članom 68. stav 4. tačka (i) i tačka (j) Zakona o javnim nabavkama, jer ne ispunjava zahtjeve iz tenderske dokumentacije i u drugim opravdanim slučajevima (ispravke u ponudi nisu vršene u skladu sa Uputstvom za pripremu modela tenderske dokumentacije), a ponude ponuđača BOSNA-KOM d.o.o. Gračanica, DEFTER d.o.o. Sarajevo i TD NOVA TRGOVINA-S d.o.o. Kakanj odbacuju se u skladu sa članom 68. stav 4. tačka (i)



Zakona o javnim nabavkama jer iste ne ispunjavaju zahtjeve iz tenderske dokumentacije.

Uzimajući u obzir sve gore navedeno, te da je ponuda ponuđača INTER-COM d.o.o. Zenica prihvatljiva prema obliku, sadržaju i potpunosti, Komisija je dala preporuku Ugovornom organu da okvirni sporazum za Nabavku prehrambenih i neprehrambenih artikala za potrebe Zeničko-dobojskog kantona dodijeli ponuđaču INTER-COM d.o.o. Zenica, kao najpovoljnijem ponuđaču u postupku javne nabavke.

Kako u postupku ocjene provedenog postupka nabavke nisu utvrđeni razlozi, nepravilnosti ili propusti u radu Komisije, a koji bi eventualno bili osnov za neprihvatanje preporuke Komisije, to je cijeneći sve naprijed navedeno odlučeno kao u dispozitivu ove Odluke.

Pouka o pravnom lijeku

Protiv ove Odluke može se izjaviti žalba u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi, putem ovog ugovornog organa, u pisanoj formi na način propisan članom 99. Zakona o javnim nabavkama.

Dostavljeno: 5 x Ponuđači
1 x tenderska dokumentacija



DIREKTOR
mr. sc. Čazim Karalić